

Մամլոյ Հաղորդագրութիւն

Հ.Բ.Ը. ՄԻՈՒԹՅՈՒՆԸ ԵՒ «ՀԱՅԱՍՏԱՆ» ՀԱՄԱՀԱՅԿԱԿԱՆ ՀԻՄՆԱԴՐԱՄԸ ԿԸ ՆԱԽԱԶԵՌՆԵՆ #ՕԳՆՈՒԹՅՈՒՆԱՐՑԱԽԻՆ ՆՈՒԻՐԱՏՈՒՈՒԹԵԱՆ ԿՐԿՆԱՊԱՏԿՈՒՄԻ ԾՐԱԳԻՐ՝ Հ.Բ.Ը.Մ.-Ի ԿՈՂՄԷ 1 ՄԻԼԻՈՆ ՏՈԼԱՐ ՆՈՒԻՐԱՏՈՒՈՒԹԵԱՄԲ

5 Հոկտեմբեր 2020

Անմիջապէս Հրատարակութեան Համար

Ի պատասխան Արցախի մէջ յարաճող մարդասիրական կարիքներուն, Հ.Բ.Ը.Մ.-ի Կեդրոնական Վարչական Ժողովը, համագործակցութեամբ «Հայաստան» Համահայկական Հիմնադրամի, կը յայտարարէ #ՕգնությունԱրցախին Կրկնապատկուող Հանգանակութեան ծրագիրի մեկնարկը: Ծրագիրը նուիրատուութիւններու համար բաց է մինչեւ 15 Նոյեմբեր, 2020:

Այս ծրագրով հանգանակուած եւ կրկնապատկուած գումարները պիտի յատկացուին Արցախի եւ Հայաստանի մէջ բացառապէս մարդասիրական օժանդակութեան եւ հրատապ օգնութեան-բժշկական սարքերու ձեռքբերման, դիմագրաւելու այն լայնածաւալ պատերազմը, որ սանձազերծուեցաւ Սեպտեմբեր 27, 2020-ի թշնամական նախաշարժակ գործողութիւններով:

Որպէս նախնական խթան այս այժմեական նախաձեռնութեան, Հ.Բ.Ը.Միութիւնը արդէն մէկ միլիոն տոլար յատկացում մը տրամադրած է «Հայաստան» Համահայկական Հիմնադրամին: Այս քայլը գուցորդուած է այն յանձնառութեամբ, որ Հ.Բ.Ը.Միութիւնը պիտի կատարէ նաեւ իր ստացած նուիրաբերումներուն համարժէք յատկացում, այդպիսով կրկնապատկելով կատարուած նուիրատուութիւնները, հինգ միլիոն տոլարի սահմաններուն մէջ, կախեալ մինչեւ ծրագիրին աւարտը արձանագրուած նուէրներու հանրագումարէն:

Հ.Բ.Ը.Միութիւնը պատրասակամ է կրկնապատկելու իւրաքանչիւր նուիրաբերուած տոլար՝ մինչեւ հինգ միլիոն տոլարի սահմանը: Այս կը վերաբերի մինչեւ հարիւր հազար տոլար արժողութեամբ որեւէ անհատական նուիրատուութեան: Սա յաւելեալ ազդակ պիտի ըլլայ բոլոր հայորդիներուն, որոնք նախանձախնդիր են, որ իրենց տրամադրած օժանդակութիւնը կրկնակիօրէն արդիւնաւոր ըլլայ՝ մարտադաշտին վրայ թէ անկէ դուրս կեանքեր փրկելու առումով:

Պաշտպանական միջոցառումներու այս ճակատագրական հանգրուանին, վերոյիշեալ նախաձեռնութիւնը մեծապէս պիտի նպաստէ հանգանակութեան յաջողութեան, մինչ քաղաքացիական պարենաւորումի եւ մատակարարումներու հրատապութիւնը եւ վիրաւոր զինուորներու բուժման սարքերու կարիքները կ'աճին օրեցօր, ինչպէս դիտել կու տայ «Հայաստան»

Համահայկական Հիմնադրամի Գործադիր Տնօրեն Հայկակ Արշամեան: Ի սկզբանե մեկ միլիոն տոլարի ներդրումը եւ զայն տասնապատկուած տեսնելու կարելիութիւնը իւրաքանչիւր հայորդիի համար ոգեւորութեան աղբիւր պիտի դառնան, զինք մղելով անյապաղ մասնակցութեան:

Հ.Բ.Ը.Մ.-ի Նախագահ Պերճ Մեղրակեան այս նախաձեռնութիւնը բնորոշեց որպէս անառարկելի կանխատեսելի եզրայանգում: Նկատի ունենալով իրավիճակի ծանրութիւնը եւ դաժանութիւնը, թէ՛ թաքստոցներու մէջ գոյատեւող քաղաքացիներուն, թէ՛ բժշկական կարիքներ ունեցող զինուորականներուն սատար կանգնելու իմաստով՝ որեւէ կասկած չկայ այն մասին, թէ ի՞նչ առաքելութեան կանչուած ենք այս մոայլ պահուն:

Անյապաղ օժանդակութիւն ցուցաբերելու համար, քաջալերելի պիտի ըլլայ նուիրատուութիւնը կատարել առցանց: Հ.Բ.Ը.Մ.իութիւնը ամբողջացած իւրաքանչիւր 500,000 գումարը անմիջականօրէն պիտի փոխանցէ «Հայաստան» Համահայկական Հիմնադրամին: Կը խնդրուի նկատի ունենալ, որ նուիրատուութիւնները պետք է կատարել ուղղակիօրէն Հ.Բ.Ը.Մ.-ի անունով: Մասնակցելու համար, այցելեցէ՛ք www.agbu.org/aid4artsakh կայքէջ, իսկ դրամատնային փոխանցումներու համար giving@agbu.org:

Յաւելեալ տեղեկութիւններու համար, դիմել www.agbu.org/aid4artsakh հասցէին:

Հայկական Բարեգործական Ընդհանուր Միութիւնը (Հ.Բ.Ը.Մ.) աշխարհի մեծագոյն ոչ-շահամէտ հայկական կազմակերպութիւնն է, նուիրուած հայեցի ինքնութեան եւ ժառանգութեան պահպանումին եւ մշակումին՝ կրթական, մշակութային եւ մարդասիրական ծրագիրներով: Միութեան գործունէութիւնները բարերար ազդեցութիւն կը բերեն տարեկան 500,000-է աւելի անձերու կեանքերէն ներս, Հայաստանի ու Արցախի մէջ եւ Սփիւռքի տարածքին: Իր հիմնադրութենէն ի վեր, Հ.Բ.Ը.Մ.ը հաւատարիմ մնացած է համայն հայութեան բարօրութեան ապահովումին ուղղուած իր գլխաւոր առաքելութեան: Յաւելեալ տեղեկութիւններու համար՝ այցելեցէ՛ք www.agbu.org կայքէջը:

Յաւելեալ Տեղեկութեանց համար - Կապ

AGBU Press Office

55 East 59th Street

New York, NY 10022-1112

Phone: 212.319.6383

Email: communications@agbu.org